

A N I M A D V E R S I O N E S.

dem Urbs dicta sit Aſan, & in Vulgata, & in 70. Interpretibus, & in aliis omnibus Bibliis Græcis, Latinisque, fortè & Hebraicis.

Præter eas Leviticæ, & illas Tribus Simeonis Urbes, quæ in variis Bibliorum locis deſcriptæ, & repetitæ, notitiâ dedere varia eſſe, diverſaque nomina, quæ aliquando ad unam, eandemque Urbem pertineant; alia etiam ex Bibliis erui poterunt: ut Jebus, quæ eſt Jeruſalem; Cariath-Arbe, quæ eſt Hebron, & Mambre; Cariath-ſepher, aut Cariath-ſenna, quæ eſt Dabir; Aſaſon-Thamar, quæ eſt Engaddi; Bale five Bala, quæ eſt Segor; Laïs five Laiſa, quæ fuit Dan, & Paneas, & tandem Cæſarea Philippi; Accho, five Achſaph aut Axaph, quæ & Ptolemais; Turris Stratonis, quæ & Cæſarea, five Cæſarea maritima, five Cæſarea Paleſtinæ. Sic alia quamplurima, quæ ſuis locis in Indice demonſtrabimus. Sed hæc, ut plurimum facillima, quod jam in Bibliis, aut in Joſepho, aut in aliis demonſtrata ſint.

Sed multò plura ſupererunt, quorum Notitiâ penè nulla erit. Libri Biblici à variis Authoribus, & diverſiſſimis temporibus compoſiti: alii quingentis, alii mille, alii mille & quingentis annis poſt alios deſcripti ſunt. Iſraëlitis interea five Hebræis, aut Judæis dominationes alienigenarum, & tranſmigrationes longinquas ſuſtinentibus, non aliter fieri potuit, quin ipſorum lingua multum innovata fuerit, & Urbium nomina immutata; unde in libris Judicum, Regum, Paralipomenon, & in Prophetis, plurima ſunt, & quæ diſſimillima ab iis, quæ in Joſue, quæ in Numeris, & quæ in primis Veteris Teſtamenti libris jam dicta ſunt, & nihilominus aliqua dignoſci poſſunt, quæ inter ſe convenire debent.

Argumentum eſto: Joſue 19. Urbes Tribus Aſer omnes nominatim recenſet. In 1. Judicum caſtigantur Aſeritæ, quod non deleverint Urbes Accho, Sidon, Ahalab, Achafib, Helba, Apher, & Rohob. Urbes ergo ipſæ erant in ſorte Tribus Aſer, quas tamen Aſeritæ non everterint, nec eorum habitatores deleverint: cum Deus id in primis ipſis injunxerat. Interim inter omnes Tribus Aſer Urbes, nulla eſt Accho, nulla Achafib, nulla Ahalab, nulla Helba: niſi Achſab cum Accho conveniat, Achazib cum Acziba, Ahalab cum Labanach, & Helba cum Elmelech, aut cum Helcath. Quicquid ſit, in ipſo capite Judicum primo, jam aliqua ſunt Urbium nomina, quæ varia, & penè diſſimillima ſunt ab aliis, quæ in Joſue, cum quibus tamen reſpondent. Sic & alia hujus generis ſunt plurima eod. Jud. cap. 1. ut & ſæpè alibi, quæ ſuis explicabuntur locis, in Indice.

Urbium Poſitiones nullæ ſunt in toto Veteri & Novo Teſtamento, & vix una aut ſecunda loci unius ab altero diſtantiâ datur, nedum locorum plurium inter ſe mutua proportio. Et cum nullus ex antiquis Judææ totius five Paleſtinæ verum & naturalem ſitum dederit; dico exactam, littorum frontem, Portus & Promontoria, Jordanis fontes, flexus, curſum; ut & aliorum majorum, minimorumque Torrentium, Montium tractus, Camporum & Vallium longitudinem, latitudinem, & magnitudinem; qua in parte Urbes poſitæ fuerint, quæ ſit diſtantiâ ab omnibus littoris partibus, ad omnes Jordanis partes, & ubi plus minusve inter ſe accedunt, aut recedunt. Nunc diſſicillimum eſt, & ut ita loquar, non poſſibile, optimum regionis Typum, & Urbes illius omnes in ſuo & vero ſitu, & cum aliis circumvicinis locis in mutua inter ſe proportione deſcribere; ita ut ſi ad omnes Mathematicarum rerum Canones ratio habeatur, necdum ulla data fuit, nec in poſterum dabitur Terræ ſanctæ five Paleſtinæ Deſcriptio, in qua ſint tres aut quatuor Urbium Poſitiones in ſuis omnibus numeris abſolutæ. Etenim huc uſque factum eſt, ut omnium Judææ five Terræ Paleſtinæ mapparum Authores penè unicuique crediderint, ſibi liberum eſſe Urbium Poſitiones ad mentem ſuam deſcribere poſſe.

Nos aliam ab ipſis ſequuti Methodum, eam ex ordine ipſo, quem dedit Sacra Scriptura accepimus. Urbium Tribus Simeonis ter repetita enumeratio, eaque ubique eodem ordine, eadem numero, & iisdem nominibus deſcripta, nobis fidem fecit etiam hic aliquem colligi poſſe in earum ſitu, & poſitione ordinem. Nullam attamen negleximus ab Authoribus profanis datam diſtantiâ: ſed quorum teſtimonia, cum vix aliquando duo concinnant, non niſi cautè amplexi ſumus.

Judææ